



BOSNIA AND HERZEGOVINA MINE ACTION CENTRE

Broj: JN1/03-50-5-24/23
Sarajevo, 27.09.2023. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 70. i člana 72. stav (3) tačka f) Zakona o javnim nabavkama («Službeni glasnik BiH», broj 39/14 i 59/22), na preporuku Komisije za javne nabavke (u daljem tekstu: Komisija) broj: JN1/03-50-5-24/23 od 26.09.2023. godine, direktor Centra za uklanjanje mina u Bosni i Hercegovini-BHMAC (u daljem tekstu: Ugovorni organ), donosi:

ODLUKU

o dodjeli ugovora drugorangiranom ponuđaču LOT 2 – Kancelarijski materijal

Član 1.

(Predmet Odluke)

Ovom Odlukom stavlja se van snage Odluka o izboru najpovoljnijeg ponuđača u postupku javne nabavke materijala LOT 2 – Kancelarijski materijal broj: JN1/03-50-5-24/23 od 01.09.2023. godine, u skladu sa članom 72. stav (3) tačka f).

Donosi se odluka o izboru drugorangiranog ponuđača **R&S d.o.o Sarajevo** sa ukupnom vrijednošću ugovora od **8.511,56 KM** bez PDV-a, odnosno **9.958,52 KM** sa PDV-om.

Član 2.

(Dostavljanje dokumentacije)

Drugorangirani ponuđač nije dužan dostaviti dokaze predviđene članom 45. stav (2) Zakona o javnim nabavkama u formi i sadržaju kako je traženo tenderskom dokumentacijom, obzirom da je uz ponudu i zahtjevane izjave istovremeno dostavio i tražene dokaze.

Član 3.

(Prijedlog ugovora)

Prijedlog ugovora dostavit će se na potpis drugorangiranom ponuđaču u skladu sa članom 72. Zakona o javnim nabavkama BiH.

Član 4.

(Objava Odluke)

Ova Odluka objavit će se na web-stranici BHMAC-a, www.bhmac.org, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

(Stupanje na snagu)

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

OBRAZLOŽENJE

Na osnovu Odluke o pokretanju postupka javne nabavke materijala broj: JN1/03-50-5-24/23 od 13.07.2023. godine provedena je nabavka putem konkurentskog postupka i ista je podjeljena na četiri LOT-a. Procijenjena vrijednost nabavke za za LOT 2 iznosi 8.547,01 KM bez PDV-a.

Rješenjem broj: JN1/03-50-5-24/23 od 03.08.2023. godine imenovana je Komisija za nabavku materijala koja je provela predmetni postupak.

Nadalje, za LOT 2, do roka koji je određen za dostavljanje ponuda tenderskom dokumentacijom, pristigle su sljedeće ponude, prema redoslijedu zaprimanja:

1. Ponuda ponuđača Aero Exclusive doo, Kolodvorska broj 12, 71000 Sarajevo;
2. Ponuda ponuđača R & S doo Sarajevo, Igmanska b.b, 71320 Vogošća;
3. Ponuda ponuđača Defter doo, Gatačka br.20, 71000 Sarajevo.

Nakon izvršenog otvaranja ponude i čitanja cijena navedenih u obrascu za cijenu ponude, Komisija je pristupila analizi dokumentacije priložene uz ponudu u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

U postupku pregleda i ocjene ponuda, Komisija je tokom pregleda ponude ponuđača „R&S“ d.o.o. uočila računsku grešku u Obrascu za cijenu ponude, te postupajući u skladu sa Zakonom o javnim nabavkama i Uputstvom za pripremu modela tenderske dokumentacije i ponude izvršena je ispravka iste.

Komisija je sagledala ponudu ponuđača Aero Exclusive doo Sarajevo sa ukupnom cijenom u iznosu od 11.789,79 KM bez PDV-a i konstatovala da je ponuda kompletna, ali da je dostavljena ponuda značajno veća od osiguranih sredstava u budžetu ugovornog organa za predmetnu nabavku i da je značajno veća od procijenjene vrijednosti nabavke koja je iznosila 8.547,01 KM bez PDV-a.

Sa svim gore navedenim ponuda ponuđača Aero Exclusive doo Sarajevo je neprihvatljiva i kao takva nije mogla biti unesena u e-aukciju.

E-aukcija je provedena u skladu sa odredbama Pravilnika o uslovima i načinu korištenja e-aukcije te u skladu sa izvještajem o toku i završetku e-aukcije, Komisija je konstatovala da nije došlo do promjene cijena u odnosu na početne, te utvrdila konačnu listu kako slijedi:

LOT 2 - Kancelarijski materijal

R.br.	Naziv ponuđača	Konačna cijena u KM bez PDV-a	Rang
1	Defter doo Sarajevo	7.424,80	1
2	R&S doo Sarajevo	8.511,56	2

Nakon završene e-aukcije, Komisija jednoglasno daje preporuku Direktorima da se ugovor za nabavku materijala LOT 2 – Kancelarijski materijal dodjeli ponuđaču Defter d.o.o Sarajevo, obzirom da ispunjava sve uslove tražene tenderskom dokumentacijom, te je njegova ponuda od 7.424,80 KM bez uključenog PDV-a, odnosno 8.687,02 KM sa PDV-om, ocjenjena kao najpovoljnija primjenom kriterija najniže cijene.

Odluka o izboru najpovoljnijeg ponuđača u postupku javne nabavke materijala LOT 2 – Kancelarijski materijal broj: JN1/03-50-5-24/23 od 01.09.2023. godine zajedno sa Zapisnikom o pregledu i ocjeni ponuda, dostavljena je svim ponuđačima koji su učestvovali u ovom postupku javne nabavke.

Nakon pravosnažnosti odluke, ugovor o nabavci i isporuci kancelarijskog materijala LOT 2 dostavljen je izabranom ponuđaču.

Dana 25.09.2023. godine Defter d.o.o. Sarajevo, u pisanoj formi dostavljenoj putem pošte obavještava BHMACH da odustaje od potpisivanja ugovora obrazlažući „ zbog toga što je uočena pogrešna kalkulacija cijena za stavku br.9 s ugovorene specifikacije-kopir papir A4- naimete tehničkom specifikacijom je traženo da se papir ponudi na pakovanje 5*500 listova a s naše strane je ponuđen papir na pakovanje koje se njačešće traži na tenderskim nabavkama 500/1 ili ris“.

Obzirom da je izabrani ponuđač odbio da zaključi ugovor pod uslovima navedenim u tenderskoj dokumentaciji i ponudi koju je dostavio, direktor je u skladu sa članom 72 stav (3) tačka f) Zakona o javnim nabavkama, ugovor o nabavci kancelarijskog materijala LOT 2 je dodjelio drugorangiranom ponuđaču **R&S d.o.o Sarajevo**, u ukupnom iznosu od 8.511,56 KM bez PDV-a, odnosno 9.958,52 KM sa PDV-om.

Obzirom na navedeno, odlučeno je kao u dispozitivu.

POUKA O PRAVNOM LIJEKU:

Protiv ove Odluke može ce izjaviti žalba Ugovornom organu, najkasnije u roku od 5 (pet) dana od dana prijema ove Odluke u skladu sa članom 99. i 101. Zakona. Žalba se podnosi u dovoljnom broju primjeraka, a koji ne može biti manji od tri.

